

LUTRIJA BOSNE I HERCEGOVINE d.o.o.
S A R A J E V O

Broj:03-MS-1575-1/ 23

Dana:04.08.2023.godine

Na osnovu člana 17. Zakona o igrama na sreću ("Sl. novine FBiH", broj 48/15 i 60/15), člana 7. Pravilnika o sadržaju pravila, uvjetima i načinu priređivanja nagradnih igara („Sl.novine FBiH“, broj 30/16, 63/19, 92/20 i 12/22) i člana 29. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), direktor Lutrije Bosne i Hercegovine, donosi

P R A V I L A
o organizovanju nagradne igre "Trči za sreću" TV Bingo

Član 1.

Ovim Pravilima detaljno se uređuju uslovi za organizovanje nagradne igre "Trči za sreću" TV Bingo koju priređuje Lutrija Bosne i Hercegovine d.o.o. Sarajevo (u daljem tekstu: Priređivač), sa sjedištem u Sarajevu, ulica Mehmeda Spahe br. 11, ID broj: 4200496180007, registrovana kod nadležnog suda, čija je djelatnost priređivanje svih vrsta igara na sreću.

Član 2.

Nagradna igra se priređuje se u periodu od 17.08.2023. godine do 17.09.2023. godine do **12:30h**, u svrhu promocije brenda Lutrije BiH i brenda igre TV Bingo.

Vrijeme utrke ulazi u period trajanja nagradne igre. Agencija Rekretiva d.o.o. je angažovana od strane Lutrije BiH na organizaciji i realizaciji trka.

Trka će biti održana u Sarajevu, sa startom u ulici Ferhadija (znak Sarajevo Meeting of Cultures) i ciljem na trgu Susan Sontag.

Start trke je u 08:00.

Vremenski limit trke je 180 minuta.

Član 3.

Nagradna igra organizuje se na teritoriji Federacije Bosne i Hercegovine.

Član 4.

Pravo učešća u nagradnoj igri i mogućnost osvajanja nagrada imaju pojedinci koji u periodu od 17.08.2023. do 11.09.2023. godine izvrše potpunu prijavu za jednu od trka koje se održavaju u sklopu "Sarajevo Run Festa" i preuzmu startni broj.

Pravo na nagradu imaju učesnici trka:

- Sarajevo polumaraton;
- G - Drive Štafetni polumaraton;
- InterSport FunRun.

Pored navedenih uslova pravo učešća u nagradnoj igri imaju samo punoljetne osobe koje su državljani Bosne i Hercegovine.

Startni brojevi se pruzimaju 16.09.2023.godine, u Narodnom pozorištu Sarajevu od 10 do 19 sati.

Prijavu na trku je moguće izvršiti putem stranice <https://sarajevomarathon.ba/>

Član 5.

Učešće u nagradnoj igri nije dozvoljeno osobama koje su zaposlene kod Priređivača niti osobama koje su zaposlene kod organizatora i realizatora trke - Rekreativa d.o.o.

Član 6.

Nagradu preuzima trkač čiji je broj izvučen (punoljetna osoba) sa prikazom broja koji je izvučen.

Član 7.

Izvlačenje nagrade će se obaviti na način da će voditelj/moderator nakon održane trke iz posebno pripremljene kutije u kojoj će se nalaziti startni brojevi trkača (koji su stekli pravo učešća u nagradnoj igri), izvuku broj koji se podudara sa preuzetim brojem jednog od trkača.

Izvlačenje nagrade će biti izvršeno na centralnoj bini.

Član 8.

Ukupni nagradni fond iznosi **2.590,38** sa PDV-om i sastoji se od:

1. Putovanje u Beč za dvije osobe: 2.214,00 KM bez PDV-a, 2.590,38 sa PDV-om

Ukupnan iznos nagrade kao i porez za navedenu nagradu snosi Lutrija BiH i isti finansira iz vlastitih sredstava .

Član 9.

Ukupni troškovi organizovanja igre iznose 3.033,62 KM i sastoje se od:

- nagradni fond **2.590,38 KM**
- 6 % ukupne vrijednosti **155,42 KM** nagradnog fonda - humanitarne organizacije
- Porez na dobitke-putovanje **287,82.**

Član 10.

Izvlačenje nagrada je javno i biti će održano dana 17.09.2023. godine (nedjelja) u 12:30 sati, ispred Narodnog pozorišta (Trg Suzan Sontag) uz prisustvo tročlane komisije imenovane od strane Direktora.

Član 11.

Izvlačenje dobitnika će biti realizovano iz formirane baze prikupljenih podataka koje će Priređivaču na osnovu podataka iz prijavnog obrasca dostaviti organizator utrke Rekreativa d.o.o.

Član 12.

Komisija nakon izvlačenja sastavlja Zapisnik o izvlačenju sa podacima:

1. Ukupan broj učesnika u izvlačenju;
2. Mjesto i vrijeme izvlačenja dobitnika;
3. Broj i datum odobrenja Ministarstva;
4. Datum i naziv medija u kojem su pravila nagradne igre objavljena;
5. Ime i prezime članova komisije;
6. Izvučeni broj-startni broj trkača;
7. Ime i prezime i adresu dobitnika;
8. Broj mobitela dobitnika;
9. Naziv i vrijednost nagrade;

Član 13.

Ukoliko dobitnici nagrada ne budu prisutni na samom izvlačenju biti će naknadno kontaktirani od strane Priređivača.

Član 14.

Učesnici trke, kao i dobitnici pristaju da se njihovo ime, prezime te fotografija sa izvlačenja kao i sa putovanja koriste u promotivne svrhe.

Član 15.

Prilikom preuzimanja nagrada dobitnik je dužan pokazati startni broj i lični identifikacioni dokument predsjedniku komisije. Dobitnik Putovanja je dužan naknadno doći u Direkciju Lutrije BiH i preuzeti potvrdu o dobitku.

Član 16.

Ime i prezime dobitnika će biti objavljeno putem web stranice Priređivača www.lutrijabih.ba i facebook stranice Lutrije BiH, dan nakon izvlačenja.

Član 17.

Rok za preuzimanje nagrada je 30 /trideset/ dana od dana prijema obavijesti od strane Lutrije BiH.

Član 18.

Ako dobitnik nagrade u roku iz člana 17. ne preuzme potvrdu/nagradu, stručne službe Lutrije BiH će u roku od 8 dana od isteka navedenog roka, ponovno uputiti obavijest dobitniku nagrade, te odrediti naknadni rok za preuzimanje nagrade koji ne može biti duži od 8 dana od dana prijema obavijesti.

Član 19.

Ako dobitnik nagrade ni u naknadnom roku ne preuzme osvojenu nagradu, gubi pravo na istu, a Priređivač je dužan postupiti na način propisan članom 11. Pravilnika o sadržaju pravila, uslovima i načinu priređivanja nagradnih igara.

Član 20.

Učestvovanjem u nagradnoj igri učesnici se slažu i obavezuju se poštovati Pravila nagradne igre. Učesnici učestvovanjem u nagradnoj igri neopozivo prihvataju da je Priređivač ovlašten na slanje promotivnih SMS i email poruka na brojeve telefona učesnika u nagradnoj igri.

Član 21.

Priređivač zadržava pravo prolongirati, otkazati, prekinuti ili staviti u stanje mirovanja nagradnu igru u slučaju više sile (zaraze računarskim virusom, bagova, manipulacije, neovlaštenog zahvata, prevare, tehničkog kvara, ljudske pogreške koja je izvan kontrole Priređivača) ako je time ugroženo upravljanje, sigurnost, pravičnost, etičnost ili ispravna provedba nagradne igre.

Član 22.

Priređivač zadržava sva prava izmjene Pravila nagradne igre u bilo koje vrijeme tokom trajanja nagradne igre, uz prethodnu saglasnost Federalnog ministarstva finansija. Svaka izmjena nagradne igre, uključujući produženje ili skraćivanje trajanja nagradne igre, bit će objavljena na web stranici Lutrije BiH www.lutrijabih.ba, te se primjenjuje od dana objave.

Član 23.

Priređivač ne preuzima odgovornost ako učesnik nije upoznat sa izmjenama pravila nagradne igre, ukoliko su ista objavljena na web stranici Priređivača.

Član 24.

Priređivač ne preuzima odgovornost u slučaju da je dobitnik pružio netačne podatke ili informacije, koje su dovele do nemogućnosti dodjeljivanja nagrade.

Član 25.

Za rješavanje sporova koji proisteknu iz učestvovanja u nagradnoj igri “Trči za sreću” **TV Bingo** mjesno i stvarno je nadležan Općinski sud u Sarajevu.

Član 26.

Ova Pravila se primjenjuju danom objavljivanja u jednoj od dnevnih novina i bit će objavljena i na web stranici Priređivača.

DIREKTOR

Edhem Pašukan s.r.

Na ova Pravila nagradne igre izdato je odobrenje Federalnog Ministarstva finansija/financija broj UP-05-12-1-820/23 od 09.08.2023.godine.